

Na osnovu Plana i finansijskog plana «Agencije za vodno područje rijeke Save», Sarajevo, a u vezi sa članom 3. Odluke o utvrđivanju uslova, kriterija i postupaka za izbor i finansiranje programa i projekata iz sektora voda nevladinih organizacija i udruženja za 2010. godinu, broj 50-628-1/10 od 15.07.2009. godine Agencija za vodno područje rijeke Save, Sarajevo raspisuje

JAVNI POZIV

Za predlaganje programa i projekata nevladinih udruženja/organizacija za finansiranje iz Plana i finansijskog plana Agencije za vodno područje rijeke Save za 2010. godinu

(Pravo učešća)

Pravo učešća imaju nevladina udruženja, organizacije koja su registrovana u skladu sa zakonom, a koja imaju sjedište, djeluju, rade i implementiraju projekte na području Federacije BiH, odnosno svih kantona koja pripadaju vodnom području rijeke Save.

(Transparentnost postupka)

Javni poziv se objavljuje u dnevnim novinama i na zvaničnoj Web stranici Agencije **www.voda.ba**.

(Preferencijalni kriteriji)

Sredstva iz Plana i finansijskog plana Agencije za vodno područje rijeke Save prvenstveno se raspodjeljuju nevladinim udruženjima, organizacijama čiji se programi i projekti odnose na sektor voda:

1. akcije čišćenja i uređenja korita i obala, praćenje stanja kvaliteta površinskih voda (pojave incidentnog zagađenja)
2. podrška programima saradnje lokalnih NVO i međunarodnih institucija
3. podizanje javne svijesti u lokalnoj zajednici o značaju očuvanja i optimalnog korištenja vodenih resursa voda kako u lokalnim tako i širim prostorima
4. unapređivanje sportova na vodi
5. poboljšavanje turističkih kapaciteta na vodoma
6. organizacija rada sa mladima kroz razna predavanja/posjete značajnim vodoprivrednim objektima i sistemima kao i takmičarske aktivnosti
7. učešće u aktivnostima NVO za obezbjeđenje vodosnadbjevanja kod povratka prognanih i raseljenih lica na području sliva rijeke Save
8. i druge slične projekte.

(Način prijave)

Udruženje/organizacija podnosi prijavu na javni poziv tako što popunjava Prijavni obrazac čiju sadržinu propisuje «Agencija za vodno područje rijeke Save», Sarajevo.

Prijavni obrazac se može preuzeti sa Web stranice Agencije za vodno područje rijeke Save **www.voda.ba** ili na protokolu Agencije, ulica Grbavička 4/III Sarajevo.

Prijavni obrazac se podnosi u zapečaćenoj koverti, a predaje putem pošte ili na protokolu Agencije za vodno područje rijeke Save, Sarajevo.

(Potrebna dokumentacija)

Uz ispunjen Prijavni obrazac udruženje/organizacija obavezno prilaže:

- Riješenje o registraciji (original ili ovjerena kopija)
- Uvjerenje o poreznoj registraciji, identifikacioni broj iz registra poslovnih subjekata (original ili ovjerena kopija)
- Spesimen potpisa iz banke osoba odgovornih za finansije u udruženju, organizaciji ili kopiju ugovora s bankom o otvaranju transakcijskog računa (ugovor sadrži ID broj udruženja, organizacije i imena ovlaštenih osoba), original ili ovjerenu kopiju.

Prijave nevladinih udruženja/organizacija na javni poziv uz koje ne bude dostavljena navedena dokumentacija neće biti razmatrane.

(Maksimalni broj projekata i maksimalni iznos sredstava)

Broj projekata nije ograničen.

Maksimalni iznos koji se jednom udruženju/organizaciji može odobriti po jednom projektu je do 5.000,00 KM.

(Bodovni kriteriji)

Prilikom raspodjele sredstava cijenit će se slijedeći kriteriji:

- vezanost projekta za preferencijalni kriterij
- ciljevi projekta su specifični, dostižni, realistični i vremenski određeni
- adekvatna stručna zastupljenost u realizaciji projekta
- inovativni aspekt projekta
- samoodrživost projekta
- uključenje i angažovanje većeg broja volontera u projekat
- jasno definisane ciljne grupe

(Ugovor o finansiranju)

Nakon donošenja Programa raspodjele sredstava Direktor «Agencije za vodno područje rijeke Save», Sarajevo zaključuje ugovore sa nevladinim udruženjima/organizacijama o finansiranju programa/ projekata, kojim će se regulisati međusobna prava, obaveze i odgovornosti

POPUNJENI PRIJAVNI OBRAZAC SA SVIM PRILOZIMA PODNOSI SE KOMISIJI U ZAPEČAČENOJ KOVERTI, A PREDAJE PUTEM POŠTE ILI NA PROTOKOL «AGENCIJE ZA VODNO PODRUČJE RIJEKE SAVE», SARAJEVO NA ADRESU:

**AGENCIJA ZA VODNO PODRUČJE RIJEKE SAVE
GRBAVIČKA 4/III
71000 SARAJEVO**

(sa naznakom)

«Prijava na Javni poziv za predlaganje programa i projekata nevladinih udruženja/ organizacija za finansiranje iz Plana i finansijskog plana Agencije za vodno područje rijeke Save za 2010. godinu».

KRAJNI ROK ZA PODNOŠENJE PRIJAVA JE 15 DANA OD DANA OBJAVLJIVANJA U DNEVNIM NOVINAMA.

NEPOTPUNE I NEBLAGOVREMENE PRIJAVE NEĆE SE UZIMATI U RAZMATRANJE.